



UNIVERSITÄTS-
BIBLIOTHEK
PADERBORN

Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Achas miræ pietatis puer.

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

*Achas mira pietatis puer.**Ex Cantiprat. lib. 2. cap. 28.*

FLandris Thorouda est oppidū. Hīc Achas puer
 (Sanguis parentum ditium) vix vnicum
 Degendo lustrum exegerat, quando duos
 Domo in paternā conspicatus hospites,
 Quos mantica illō duxerat, Prolem tuam
 Franciscē, Prolem Diua Paupertas tuam;
 Amore sancti prouocatus Ordinis,
 Caput cucullo petiit ac tritā tegi
 Artus lacernā, nudipes incedere,
 Grandi coronā verticem circumdari,
 Et fune panē nautico lumbos premi.

Et modō videre est æmulos. nam plurimæ
 Pueris familiæ nunc cucullatis scatent,
 Nec improbando more; si verum tamen
 Etiam profari liceat, & verō licet,
 Olli frequenter impiant vestem piam,
 Dum se luto, dum se niue & saxis petunt,
 Vellunt cucullos & capillos mutuos,
 Pugnis vtrimque, vtrimque certant lacrymis.

Longè alius Achas; ille puerorum gregem
 Seu de sedili, siue de trunco vocans,
 Si quos adesse nouerat mentirier,
 Pugnare, clepere, verberare audaculos;
 Hos territabat, Tartari narrans cibos,
 Assos colubros atque frixas viperas,
 Picisq̃ue liquidæ vel veneni pocula
 Pueris parata dyscolis. Sed mitibus,

Pius,

Piis, modestis Cælitum cupedias,
 Aromatitæ massici plenos scyphos,
 Et saccharitæ panis ampla fercula
 Spondebat: exin sede dilabens suâ,
 Horum facilibus adprimebat frontibus
 Crucis sigillum, vel docebat adprimi.

Magister Acha (sic vocare te lubet,
 Docentis omne munus implesti probè)
 Edic puerulis more vestitis tuo,
 Edic seuerâ lege, quâ Diuus potes,
 Mores cucullo vt concolores induant;
 Sin, & coronas & cucullos abdicent.

Olli in refartâ veste vitulantes suâ,
 Sacris molestas ritibus turbas cient;
 Nunc, vt pueruli, vagiunt inconditè,
 Nunc, vt catelli, templa cursando terunt.

Longè aliud Achas; hic in Aram supplices
 Vibrabat oculos, aut vibrabat in solum,
 (Hoc humilis animi symbolon, & illud pij)
 Manusque iunctas furrigens ad sidera,
 Preculas litabat hostiam puram Deo.

Olli vt placentas clâm vorandas empritent,
 Vel in angiportu cum coæuis lusitent,
 Matrum è crumenis eruunt teruncios,
 Aut è canistris liba, castaneas, pyra.

Non illud Achas, qui vel umbram tangere
 Horrebat auri, vel monetæ crustulam
 Primore digito: nedum inibat in penu,
 Furtiua dextrâ vt carperet bellaria.

Olli sorores vellicant domi suas,
 Famulas laceffunt improbè, tandem graues
 Iras Parentum prouocant, virgam hinc sibi

Fortè è camino pendulam probè probant
 Et viridiorem & crebriorem, quàm velint:
 Non hos cucullus, non corona vindicant.
 Ast aliter Achas, qui domi domesticis
 Parère mollis, & placere cereus,
 Altare totos aut adornabat dies
 Icuncularum schemate, aut cantu pio:
 Neque modò Superos in suo laudans choro,
 Laudabat ipso in tympano, tergum flagris
 Manu virili pro virili verberans,
 Humi & seipse pronus in Crucem dabat,
 Humo profunda sæpè libans oscula.

Olli parentum iurgiis, diris, probris,
 Sibi cerebella lingulasque farciunt:
 Dum fortè scortum nominat matrem pater,
 Aut ganeonem appellitat mater patrem,
 Isti sororem ganeonem nuncupant,
 Fratremque scortum more patrio vocant,
 Et antè norunt deierate quàm loqui.

Achas Parentem si videret ebrum,
 Si deierantem, si vomentem turpia,
 Tunc ore mœstus, diffuensque lacrymis,
 » Nónne (inquiebat) audiisti nupera,
 » Mi Pater, ab alto hæc Curionis fulmina:
 » Nulla in supernis ebrioso est portio,
 » Et nulla spurcis, nulla peierantibus?
 » Sempérne sceleri lubricos frænos dabis?
 » Nec te saluber vltimæ lucis metus,
 » Nec vrget anguis vlla Conscientiæ?

Quinquennis etiam tum puer verba hæc Patri,
 Matri & subinde non inutilis fuit
 Admonitor Achas, quando fastuosior,

Quàm

Quàm vellet, illa veste fulgens coccinâ
Templum subibat: hic Puer fixum Cruci
» Digito notauit indice: O mater, viden'
» Viden' hunc natantem in sanguinis riuis fui,
» Clauisque foffum, & horridâ oppreffum nece
» Pro te tuiſque noxiis? nec deferēs,
» Quibus illigaris, Vanitatis compedes?
Monitis vterque filij lætus Parens
Conſilia ſanctiora captauit lubens.

Coniua Patris quiſpiam in Pueri ſcyphum
Fortè bibitori clàm trientem miſerat.
Bibebat Achaſ inſcius. Sed vaſculi
Vidit vt in imo nummulum ſplendefcere;
Ac ſi neſciū ſe induiſſet in ſcelus,
Liueſe vultu rotus, obrigeſcere,
Et præ truci dolore tantum non mori.
Et ni ſacrificus aduocatus blandulo
Scrupum eruiſſet verbulo, innocens Puer
» Animam daturus ibat. Id culpæ dare
» Quod culpa non eſt, ſanctitatis teſſera eſt.

Vix in tenellâ ſeptimas puertiâ
Viderat ariſtas, quando præcox floſculum
Nequedum patentem mors tulit, dandum Deo,
Ne fôrs malitia hunc Inferis tandem daret.

Postquam tumultulo creditum eſt corpusculū,
Si quis ſepulto vellet adprecari,
Et funerale *De profundis* fundere;
(Iam diua cæli facta municeps, ſacræ
Non erat Animula Næniæ huius indiga)
Precator obmutefcere, & ſi pergeret,
Incogitanti *Laus in excelsis Deo*
Ab ore fluere: qui ſepulchrum venerat:

Vrgere lacrymis, aut parentare precibus,
 Domum redire delibutus gaudio.
 O Res Hilaria iure cohonestans mea!
 Hunc ergo versum do breuem tumulo breui:
Septennis Achas hinc iacet Puer hanc Puer.

Si quis precandi vel dolendi gratiâ
 Viator astas: & preces & lacrymas
 Alios in vsus verte: sic Achas iubet,
 Abire latum latus è Cælo iubet.

*Hæreticus fingens se possessum à demone,
 ab alio verè possesso comburitur.*

Cantiprat. de Apib. lib. 2. cap. 57. p. 68.

AD Cameracum in Belgicis, olim graues,
 Et Iure, pœnas putris Hæresis dabat
 „ Frequente flammâ; tanto enim nulla est malo
 „ Medela melior causticâ: quisquis cutem
 „ Solam scarificat taureis vel vlmeis,
 „ Vel tantum abire in exterum mandat solum,
 „ Is prurientem nutrit in prurigne.
 „ Vulcanus Hydræ medicus est prosperrimus.

Hos vnus inter quispiam effutiuerat,
 Quæ validè olebant fascis vrendi struem,
 Notumque crimen fama dissipauerat,
 Neque liëtor aberat longius dieculâ.

Subueritus ipse, ne iuberet ilicò
 Durum ad Tribunal ire Quæsitòr sacer,
 Et inde durioris ad flammæ rogi,
 Non inficetum comminiscitur dolum,
 Vt dorsum ab ignis imminentis eruat

Non